

اشتر
از کمال



بیرم
المنون

أشهر أزجال بِزِم التوسّعي

التوزيع بالقاهرة

المركز العربي الحديث للنشر والتوزيع

١٠٣ شارع الإمام علي - مصر الجديدة - ص.ب. ٥٦٠٧٠

حياتي

الأوله آه • والثانيه آه والثالثه آه

الأوله : مصر ، قالوا « تونسى » ونفونى
والثانية : تونس ، وفيها الأهل جحدونى
والثالثة : باريس ، وفى باريس جهلونى

* * *

الأولسه مصر قالوا تونسى ونفونى
- جزاة الخير

والثانية تونس وفيها الأهل جحدونى
- وحتى الغير

والثالثة باريس وفى باريس جهلونى
- ونا مولايير

* * *

الأوله مصر قالوا تونسى ونفسونى
- جزاة الخير - واحسانى

والثانية تونس وفيها الأهل جسدونى
- وحتر الغير - ماصافانى

والثالثة باريس وفى باريس جهلونى
- ونا موليير - فى زمانى

الأوله شربتنى من فراقها كاس - بمرارة
والثانية آه فرجتنى عالجمال ينداس - ياخسارة
والثالثة ياناس ياريتنى كان لى فيها ناس - وإدارة

* * *

الأوله آه . والثانية آه والثالثة آه

الأوله أشتكىها للى أجرى الفيل
والثانية دمعى عليها غرق الباستيل
والثالثة لطشت فيها ممثل وذليل
الأوله آه . والثانية آه والثالثة آه

الفن

الفن يا هـل الطـبـيعة روح تخاطب روح
بلغاها

والفن يا هل المحبـه عين تكلم عين
بنبأهـ

والفن يا هـل القلوب ، صوت من سكوت الموت
أحيـاها

ياطالب الفن ، افتـح لك كـتب فى الفن
تقـراها

يا مطول الشعر ، ومـشـلـشـل بـحـلـولـتـين
ومبـلـم

شوف النجوم فى السما متوجهه على فين
واتـعـلم

وشوف بكا العين ، وضحك الفم ، فى الاتنين
واتكلم

ورد الحدود فن - فيه الفن يتغير

طول الحدود فن - فيه العين تتحير

وكل شىء فى الحياه بالفن متسير

يا طالب الفن

جران بولفار

شوف الخفه - أم الشعور اللفه فوق اللفه

غير ام شعر طويل

والمقصوعه - ورجلها فوق أختها مرفوعة

تستنظر الطوموبيل

والحرانه - من المعاصم للكتاف عريانه

زى اللي غاسله غسيل

والمفوفه - باين عصبها والنهود مكشوفه

ما خلت الا قليل

والمحتاره - بالشنطه والشمسيه والنضاره

رايحه على التمثيل

والغندوره - تحسبها لولا مشيها صنيوره

ولا ام خصر نحيل

طالع فازل - لولا ما هو ماسكه ذراع الراجل

من لمسه واحده يميل

الشهادة

يقول الفتى المصرى بتاع المدارس
العنايق الكبتن ، بتساع التيم

يا من يبادلنى ، وياخذ شهادتى
بجلييه ، ولا بلطو قديم

واخذ شهادتين ، ابتدائى وثنائى
ومش عارف أكسب ولا ملليم

تسمع سنين اتربى فى المحط والشقا
ياريت أهلى كانتوا ربوا بهيم

والله البهيم يولد وينباع وينحج
ولا يلزمه غير جزمه البرسيم

باع لى أبويه النص بيت اللى حيلته
وأقى رخره باعت الباريم

سوق الوظائف فين ياطاهره ياسيده
شبعث دوخه واكتفيت تلطيم

جافظ بروجرام الصياغة الموضب
توضيب مهندس مستخبي لثيم

يطلع التلميذ بين البنت والوالد
لا هو صاحب صنعه ولا هو غشيم

ابعت لنا الفاباريك الهى من السما
هى اللى تغنى فقرنا يا كريم

الحريم

فايقة وزكية

- أنا حافتح شباك يازكية
دى طراوه وساعة عصرية

شوفى يختى الناس رايعه وجايه
والعرييات الميانه

- حلاوة بيتكم يختى يافايقة
عالشارع وله شكل وهياه

ياما بابقى ف بيتنا متضايقة
كدا وحدى وقعده طهقانه

- الشيخ دابوجيه طرابيشى
وحزام متدل مناويشى

جا خطبني وبابا مرضيشي

قال مارضيشر يسكن ويانا

- شوفي شوفي الراجل بيميل

عالشبيه اللي معاها العيل

وهو بيكلمها المتنييل

وهي ردت رخره التلفانه

- وكمان بتجاوب بملاطفه

وهي داخله معاه جوا العطفه

يخفي النفسوان جاتهم قصفه

نسوان اليوم الندمانه

- ولفندي اللي ف ايده عصايه

بيعاكس الشبيه ام ملايه

جاك نييله دي زي الحربايه

شفبك لك واحده تكون مليانه

- ولفندی اللى ببـدله رمادى

دا يوماتى يفوت م النحيادى

مستقتل وف حاله وهادى

كدا زى المعزة السهتانه

- وادى جوز بنت ام حسين افندى

أهو د اللى هنـاك اللى معدى

وف صدره الخـديـل الوردى

ياخسارته ف أسما الصدمانه

- بيقولوا الناس دا مقلبها

ومجوعها ومعدبها

وابصر مين كان قال سبابها

ومرافق وأحـده خيـبـانه

- يخى جاتها مصيبه ف خلقتها

دا جـدع يـستاهل رقبتـها

هي اللي بغفل بسلامتها
تقنظر لفلانہ وعلانہ

- خشي احسن بابا اهو چا يشوفنا
من رأس الشـسـارـع يكشفنا

يطلع يشتمنا ويكسفنا
وأبـات انا ونـتى زـعـلانـه

* * *

فراق

يا سـكـنـدريـة	يا للى زائنه البحر الابيض
يا نور عينه	عالشباب وعليكى يعوض
كتمت نارى	من نهار البين فى ضلوعى
وفضلت ادارى	عن عيون الخلق دموعى
رأيت موانى	عن يمين ملكك وشمالك
ماشفت تانى	فيه أثر من بعض جمالك
واللى طويته	كان علم يخفق فى هواكى
فراق ياريتـه	كان فراق الموت وعزاكى

عطشان يا صبايا

عطشان يا صبايا	عطشان يا صبايا
عطشان والنيل فى بلادكم	عطشان يا صبايا
ولا نهر الرون يروينى	عطشان يا صبايا
ودموع العين ما بتروى	عطشان يا صبايا
شده وتزول يا معوض	عطشان يا صبايا
دى ثلاث حكومات ياخوانا	عطشان يا صبايا
يا بنت باريس اسقيني	عطشان يا صبايا
فاضل عالعتبة الخضرا	عطشان يا صبايا
زغروته يام سد حمد	عطشان يا صبايا
راجع أتوضى واصلى	عطشان يا صبايا
وأبوس ايد الشيخ بلبع	عطشان يا صبايا
وأقول سلامات لخليفه	عطشان يا صبايا

عن كار الجـرـانين	واتوب على سيدى لاطوغلى
والكوديه ام اسماعين	واتجوز بنت الماشطه
واخدم فى الدواوين	اياك يتعدل بختى
وابقى النبىـه التخين	والبس لى سموكن مقصب
وبتمشى عالـعـجـين	داماناس فى نعيم وف نعمه
للغلبان الفطين	غيرشى جعلوا التخشيبه
هن مرسيليا للصين	يخرج منها ويتسوح
يعشق بنت التسعين	دا جازاة الخايب اللى
أهدابها مرعرعين	شايف من تحت البرقع
وسنانها مهرتمين	ما حسبش حنكها مطبق
والراس دى راس التين	والقم الحموديه
أهل الدنيا والدين	وتحب كمان وتراقق
ولا بيع الفـلـين	ولا تطرد بيع رنجه
يتعدوا بالملايين	وولادها اسم الله عليهم
بياعين شرايين	رجاله وصنايعيه

واحد تاجر طعميه	والتانى بتاع مصارين
واللى بيبيع جوافه	واللى بيبيع سريدن
وواحد كمسارى افرنجى	قاعد فى وابور طحين
واتنين سارحين بكلونيا	وفلات معتبرين
والحاج محمد برعى	له فابريكة كوانين
وأخوه له معمل طرشى	مشهور فى الكعكيين
والكل يزيد ويبارك	قاعدين متصنعين
ماينوب الواحد منهم	غير قفل الدكاكين
يارازق جيش الأزهر	اياك نستعين

* * *

يا باريز يام بلاد بره	يا مرييه لامرتين
بعنت لك أم الدنيا	شاعر فى الشعر متين
يعمل أشعار لبرابره	وصعايده وفلاحين
وتلامذه وأزهريه	وخوجات ومفتشين
اياك ما يموتش عندك	فى أزيل المساكين

مونبلييه

زريبه متطرفه ، فيها المعيز سايبين
ترعى حشيش المحبة والرعا غايبين

سنبع مراكب بتشحن ، عد بالطزازين
دكتور مهندس محامى والجميع خايبين

دكتور وراجع بلاده ينجد العيان
وهو فيه العيا اربع خمس ألوان

تشليل وتشويش وقول هربس وقول سيلان
يعدى السليم قبل ما يشفى المريض ياشاهين

وفى البلد واد مهندس بس فى البوكر

ضاع نص عمره ياريت كان ضاع فى طوكر

له كل أسبوع جواب من والدته مسوكر

تسأل على الهندسة اللي اتكلفت ملايين

وواد بيدرس تجاره ، انما نصاب

يقبض ما يدفع ولا يحسب لحد حساب

ان جاء مطالب بدينه يلطعه ع الباب

ويقول له خليك مؤدب دحنا مصريين

سألت شيخ الاساتذة فى البلد دى سؤال

عن الشهادات اللي بنشوفها مع الجهال

قام «شد» عقب السجارة والتفت لى وقال

« حار الطبيب والاديب فيكم يا شرقيين ،

بيطار مواشيننا ينفع عندكم دكتور
والبنا ينفع مهندس يبني ستين دور
ون شاء الله يبقى اللي داخل في بلادكم طور
برضك تجوز له القيادة في بنى القفاطين

* * *

فالحمـد لله بقى عالجتـر والبونـجـور
وعالمونوكل اللي زان العور ولاد العور
والفلس والهلس ، والطونجور ، والكونكور
لا علم نابهم ولا أخلاق بقت ولادين

ناظر الوقف

ياناظر الوقف ! من رب العباد ماتخاف
ولا المحاكم بتملك منك الانصاف

ون كنت اجازف واقون ان البعيد خطاف
أطلع أنا المعتدى وانت من الأشراف

* * *

الوقف لك مملكة والعادل عنها غاب
لا برلمان يخضعك فيها ولا نواب

عشر سفين وئت تبلع لم حسبت حساب
والمستحقين وراك ما يلتقوا عيش حاف

* * *

أول سنة رحت لك قلت اما اوفى الدين

ثانى سنة قلت لى جارى صلاح العين

ثالث سنة رحت انا حجيت وزرت الزين

رابع سنة رحت لك كنت انت فى الأرياف

* * *

خامس سنة خمست عالمكمه خشيت

لحد قاضى الشريعة عالبسائط وبكيت

طول لتاسع سنة جبل القضيه ياريت

سلمت أمرى لربى ، خافى الألطاف

* * *

يا ناظر الوقف خلّيت العبارة خل

ونت اللى صبحت وقف المسلمين ينحل

بكره الأيادى الجديبه بالفلوس تتبيل

ويسرسبوها على أروام وديسبونات

نسايي

ناسبت واحد مقال اسمه نصر ياسين
وله قرايب وبيت فى عطفة الكوانين

وله تداخل مع العالم شمال ويمين
وحاجة عقبال أملتك • انت والسامعين

* * *

بعد الفرغ ما انتهى القى العروسه عداك
واللقمة بالغصب ما تنزل ولا يخفأك

قعدت اشم الهسوا للصبح فى الشباك
وابص اشوف لك نسايي فى النداء جاين

* * *

عديت حذاش مرة بالعرض ماشيين صف
محمرين الخدود ومخضين الكف

اما البراقع كريشه والملايات لف
وكل واحده ، معاها ، عيلين حافيين

وكانت الساعة ٦ وقت دى بالظبط
ودوروا الهجد فى باب العريس والخبط

فتحت لهم بنتهم نزلوا عليها عبط
وبوس وقالوا انتو لسه ادلعدي نايمين

دخلت حماتى مع مراتى ، وجم عندي
قالت صباحك لبن يا مصطفى افندي

قومى يابنت البسى فسـتـانك البمبى
واتزوقى وورى زووحـك للمهنيين

قالت لها بنتها : دول غرب ، يا خرابى !

دى مين دى يختى اللى لابسه البدله عنابى

ومين دى رخره أم بلطو كمه سنجابى

والتانيه ديه اللى قاعده بالمقور مين

والتانيه تبقى حماة خالد على البحرى

قالت لها الأوله ، أم ابراهيم صبرى

وجات معاهم مرات عبد المجيد قدرى

والباقى خالتك وعماتك ، وناس تانيين

راحت معاها العروسه والمجال عقدوه

عالضحك والانبساط واللى يعيونه يزيونه

ووقفوا لى المنبه والدومان كسروه

لغاية الظهر ناس راحم ، وناس قاعدين

اللى قعد ، م الجماعة ، كلهم كراكيب
اللى قريبة العروسة واللى جوزها قريب

جايين يشوفوا العدل والفرش والقرتيب
ويشوفوا وقعتها حلوه ولا زى الطين

* * *

قالت خالتها عطاكى كشف وشك ايه
قالت لها حط لى خاتم دهب وجنيه

قالت ياخيبة الأمل ، خاتم دهب ، ايه
أقل من جوز أساور بنحقى تسعين

* * *

قالت لها أمها : أدى اللى أنا حاسباه
من قبل كتب الكتاب قدام ياسين قايله

نهايته قسمتها بس القصد كله هنا
وقولة الصيغة تتحبر ومش عايزين

* * *

دى بنتى ونقى اللى عارفه ، واحدة العيله
لا من قهرها ولا من خضها ليله

حاخرب عليها ، دى تبقى والنبي ميله
خليه بجملة شوارها اللى أخذ ملايين

* * *

وبنتى يا ستنى ام سالم أصلها طلبه
من الخميس للخميس ، بفتح لها العلبه

ومن الشتا للشتا ، أعقد لها الحطب
واحط فى زازها بالخمسين وبالسنتين

* * *

فى الوقت ده كنت انا عذمان فى عينى النوم
من السهر والقرف والغلب طول اليوم

غفلت لحظه وصحاني هياج القوم
ساعة ما كانوا الجميع من غير سلام نازلين

بيت رضوان

سكنت بيت جوا حاره اسمه بيت رضوان
فيه كل ما تشتهي ، الفشه والمصران

من الصباح للغروب ، أهجم على الدبان
ومن الغروب للصباح ، أجرى ورا الفيران

* * *

فى أول الشهر صاحب الملك وصانى
على الملاقى وحفظنى وقسرائنى

قال اوعى حاسب تعيد الحظ من تانى
لأن يوم طب فيه واحد وكان سكران

* * *

رضيت ، ومن يرضى حتى بالعذاب يرتاح
وفضلت وحدي ، مالئش صاحب غير المفتاح

بعيد عن الشر ، جاني أول استفتاح
تهمة غرام ، وادعتها أوحش الجيران

* * *

جاره عجوزه ، ولكن عايقه غُدوره
حاطه السنان الذهب والقمطه عالقورة

أولادها جدعان تمانيه والبنات طوره
وجوزها مستهوى مقطوع النفس دهبان

* * *

الست بتحب سرا ، واد مجاور شيخ
يومي على الله ، تدخل له ، بصحن طبيخ

راخر يجيب الهديه ، م الاجازه فسسيخ
لا للقرع يظهر ، ولا قشر الفسيخه يبان

* * *

أما العنول الملى شاييف دى الغرام جباره
عرجه ، وفوق ضهرها ، كمبور ، ومكاره

خلت فضيحة الوليه شايعه فى الحاره
وناويه تصبح تبلى جوزها فى الدكان

سمعت رفيقه المجاور دى الخبر فى الليل
وجوزها داخل ليلة جمعه ، وعنده ميل

شهت ومالت ، ودبت صدرها بالحييل
قال جوزها مالك ماهى الدنيا بخير وطمان

قالت جابوا لنا جدع عازب وحطوه فوق
جدع يابو فرغلى ، بارد ما عنحوش فوق

تبغنى نوبه من القلمه لباب اللوق
نهار ما حببت أزور البخت فى حلوان ،

الليله خلانى قاعده بالقميص المور
وهو غالبسطه فى الضلمه ونا فى النور

دعس عليه ، لا يا ساتر ولا دستور
مالحقش اتغطى والبارد ضحك لى كمان

* * *

اهىء مهىء ! ينضرب قادر ما يوعى يبات
اهىء وينشك فى قلبه ولم يتغاث

وينضرب زى ماخلانى قاعده وفات
وشافنى من فوق لتحت الصايح النعمان

* * *

سمع صاحبنا الحكاية ، تنقه طالع
على السلالم وعينه فصها والع

خبط فتحت ، القى ده راجل كبير قالع
وماشى حافى ، وفى ايده عصا خرزان

* * *

أول ماشاف وشى قال يلعن أبوك خنزير
وأبو اللى جابك هنا، عبد الله أفندى بكير

وأبو اللى ييجى يحامى لك ، كبير وصغير
بارد قليل الحيا ، دمك صحيح هـربان

* * *

عشرين سنه ، مابن آدم شاف حريمى يوم
وبيتى جامع ما فيه غير الصلا والصوم

حتى البنات والعيال عايمين على دى العوم
وازاى ما تدخل فى بيتى ، والحريم عريان ؟

* * *

اطلع لى لسه كده بره ، ونا أوريك
واجيب لك ابنى الكبير عبد اللطيف يعميك

وابنى كامل أفندى ، فى البوليس يأذيك
تفيت وقلت استعوذ بالله من الشيطان

* * *

على ايه يا عم البوليس والخوته والهرجه
أحلف بيهن انى فى اللخله وفى الخرجه

ما شفت فى البيت دا عمرى غير مره عرجه
وواد مجاور بجيبه لصلهنا قفطيان

رحت وقالت لى منك يا جـدع لله
أقول يا ابو مصطفى ذا شغل انا عارفاه

انشالله من جابفى سيرتى ينضربفى حشاه
وتخوض فى دمه اليهود والمسلم السكران

نزل وقال جابفى اشوف شغلى انا وعيى
واجمع جعيس بيتسم لك ولا يضرب عين

عن اذنى حطى صوابك فى عنيه لقتين
يقول على علو حسى ، قدام الجيران

ركاب سوارس

ركاب سوارس بعيد عنكم شلق هلاقيت
والعبد لله معاهم وابن حنت حنيت

اول ما نركب يدور القفش والتنكيث
ون طالت السكة نحكي ليعضنا حرايت

* * *

قصت يوم الحسين اشرب هناك خروب
جات معدتي بين جندع عايق وبين كركوب

يشبه في الوش قاعده وابنها الملوب
بيغوى زى اللى راكبه ستميت غريت

* * *

طلعت لنا شبه بص لها اللي جنبى وسباح
طلع كمان بعد منها شيخ بلد فلاح

بحمله خرجين وموهيه حطهم وارتاح
قال المعجوز اللي جنبى سوق بقى يابخيت

القفله سارت تلملم ، كل صنف وصنف
فى خطوه والتانية يتشعبط علينا جلف

وواحد فى حضنها قرطاس يرك الانف
قرطاس ملان بالكلكخ والعكنه والحنثيت

يا خلق لسه الولد نازل بكا وعياط
والوش غرقان لشوشته فى عماص ومخاط
الطوه قالت لاهه : يختى ابنك شاط !

قالت عايزنى اشترى له الدلعدى كثاكيث

قال الافندى هاهم ، اجنك ذا هتالع ديك
والخلوة قالت هي هي ، والدك مالش شريك

الأم قالت دا بختي في الغيال ، داغاديك
دايما مأسك لي المصوات ، قال دازمن تصويت



الخلوة ساوت هقومها ، يعنى انا نازله
لفندى بالمثل سناوى البلطو والبدله

وقف سوارس ، ونطت سبتنا قبله
والواد ورا ، والجماعة دوروا التلفيت



كان في الجماعة جدع أحقق ، نطق في الحال
وقال تمام يا عجز ! معلوم ! تمام ! امال !

اتقل يا واد ، مش كده ! بزياده يحتى دلال
اه يا عجز ياشلق ، يادون يا عكاريت !



قال له العجوز يا بني خلى الخلق للخالق
قال ! انت مالك يا بارد ! قال ! حانت خانق !

مهو انت اهو فى اللى جنبك متغرز زانق
كان جد قال لك احم ، اوجد قال لك كيت ؟

أهل الغرام حودوا ، والعطفه دارتهم
واهل السوارس فى حستهم وغارتهم

ناس بالسلام فى الزقاق لاهيين فى حادثتهم
وناس على الحادثة ذاتها، دوروا الشاليت

قام رد شيخ البلد ياجماعه يا هو
بدل ماتت خانجوا ، كنتم عنها تحوشوه

عبال ما تهرب كده ولا كده ، أيوه !
لو كان دا فى الفلاحين ، كان كلها بالنبابيت

قالت له لم الولد : أهل البلد عاييين

ياسيدى تنبح فى حسك ، واللى يسمع مين

رايح تزور الحسين؟قال والله اهورايحين

منها زيارة ، ومنها مشترى ، ومبييت

شيخ البلد فى الخناق ، راخر لحم واصطاد

فى هيصة العركة ، أعطت له الوليد ميعاد

نزلوا الجميع الحسين ونزلت انا منكاد

نازل لوحدى ، ولا صيده ، ولا تزفيت

تاجر دقيق

تاجر دقيق انعم المولى عليه وعطاه
ودخله فى الطريق الاحمدى وهذاه
وخش فى الدنيا ولا تجوز فى عز صباه
وبعد شوف البكارى ، حج بيت الله

التاجر اسمه حسن من يوم ما امله جابوه
لا فى مصيبيه ولا فى مدرسته ودوه
لكن فقط عالم عاشوره والطبيخ ربه
طلع تقول بكر شامى جل من انشاء

وكان خليفه الطريق عامل صاحبنا وكيل
موكله عالرايات الخضر والقناديل

راح الخليفه من الدنيا وقال يا رحيل
وسلمه كل شيء من بعد ما وصاه

فما تارة الخليفه نوبه عالمكتب
شبهات دا قاعيد بشيشقه يحسب المكتب

ونوبه مطرح راجلها ماشى فى الموكب
بين الشموع والزائيات زى القمر فى سماه

خطيره ؛ وقاسمت فى الغيرام شدة
وتسهر الليل لا مسند ولا مخيد
ما صبحت لما فماتت مدة العبد
الا اما باتت على ام العيال واخداه

حسن بحسب الشريعة قم الكسيلة
صبح يبات عن دى ليله ودى ليله

يخلص من الشيله يمشى يلتقى شيله
والعز ما يحرمك من نعمته قواه

جات يوم لسيدنا مره . لكن مره خفه
من تحت برقعها بان السن والشفه

نادره تطاهر محمد ابنها بزفه
قدامها تمشى الدلائل والخليفه وراه

قالت له يادلعدي عايزاك تمشى له
موكب من الناجتتين تولع مشاعيله

وعايزاك انت اللهى تمشى جنبه وتشيله
دا ابني اليتيم اللهى أنا من ربنا شاحتاه

قال للمرأة : انتى أختى : والولد ابنى
وحياتك انتى ان ماكانت زفة تعجبني
أعملها من غدى نقطه ، شئ ماخيربنى
ماأبقاش حسن ، غير ما أجيب لك كل شئ عايزاه

* * *

قالت ما يلزمننا غير رؤياك وسلامتك
واكون أنا رخره محسوبتك وخدامتك
ولك حلاوتك كوفيه تستاهل قامتك
وفوقها منديل حرير ، بيدى أنا شاغلاه

* * *

زف المطاهر وجاب نقطة فوشيك وشموع
واستنى لما المطاهر فات عليه اسبوع
اتجوز ام المطاهر رخره ، والموضوع
كمل يحمل التلاته ، والتلاته معاه

* * *

كانت مراتبه القحيمة خلفت ولدين
وجات مرارة الخليفة خلفت بنتين

وام المطاهر كمان واحد بقوا لها اتنين
والتسعة زى العلق متعلقين فى قفاه

* * *

والعزده لما كان حال الحقيق ماشى
والناس تفتش على اللقمة ما تلقاشى

اتغير الوقت والحظ ما منهاشى
اتبطل البدر ، واتضع زحل فى علاه

* * *

وابو على كان ضاربها ستميت جزمه
ولما شاف الككريزه ، والبسلد أزمه

صفى التجاره ، وحضر بنكنوت رزمه
وجمبيل اللى فى وش البركه تستناه

* * *

عائقه وفاتحها منزل فيه سبع شبات
فيهم مره حازها صاحبه ، اسمها نعمات

أخذ حسن يوم معناه خلقت عليه ليبيات
من غير قلنوسن افتركر ان المره حساباه

والصبح شتالت معناه الشنطه والخاتم
والعنايقه لما بدت كان من حسن خاتم

شال الفلوس عندها في الليل وراح خاتم
صبحت فلوس سيدنا ميري ، والمره طسارده

قعد في خيان الخليل لما إتقلن حاله
ما عنده غبير التلات نسوان ، رسماه

يا بخت من كسانت النسوان سباعياله
مطرح ما يخرج فلان يدخل يلقى عشاء

وقول يا بختك بنفسوانك يا حاج حسن
الناس ليالها سوده ، ونت ما تحزن

تلات حال قوم وضبع في الطبيخ واتخن
غيرك له حيله مفيش غيرها طبيخها عشاء

* * *

تاجر خضار

أهل المعارف يقولوا الناس بالمقامات
لا بالملابس ولا بالأكل والركوبات

كأن من غنى بالأدب لابس مخوم شحات
ومن عجز في البلد دى واسمهم بهوات

* * *

رأيت ركوبه بتمختر بواحد بيه
راكب ، وراشق في ظهر العرجى رجليه

سألت من تخن صدغى أهل حارته عليه
قالوا : دا تاجر خضار عنده سبع عتبات

* * *

جميع خضار البلد من قرع وبجنجان
والبابايا والكرنبيت واللفت والششونان

تورد على مكتبه بالجملة م النيطان
وهو نفسه اللى يعطى لبتوع الخضارات

تشوفه قاعد بشيشته ويا فنجاله
مركون على خزنه مقفوله على ماله

يؤمر وينهى وتحت الامر عماله :
كاتب معاه الشهاده ، واربعه فتوات

البيله دا كان م الجمايده المجرمين سابق
وله غلامه ، على ايده اليمين دافق

ولما فات الهجر والصرمحسه رالمق
فى مشوق خضار مصر بيعاعة بلح امهات

والبيبة جميع الخلائق تعترفه في مصر
لوما الملامية لكان خيلا المره في قصر

لكن في روض الفروج يومى ياخذها العصر
يطلب له شيشيه ، ويطلب للمره شربات

تقعد بشيقة وتعطى وشها للجر
ما تشوفش من جسمها غير اليزاز والنحر

في كل يوم عالجلاى ، لما فات الشهر
زاد الغرام والمجانسه استحكت حلقات

قالت بتاعة اليلح للبيبة ما تحسكى لى
حبك دا حب الهوى ، ولا ففناجيلى

وقت الغرام فى المساء تبيت تنباضلى
والصبح ما تقول لى لا لشحالك ولا سلامات

قال كل شيء تطالبه يدا مسعدة هو جيد
 والمال ذا كله ما يبعد عن غنيكى السود
 مين فى وصالك بجلده والسقط ما وجود
 لكن أنا قصيدى أسمع بس قولة هات

قالت له مات عندنا فى السوق جدد سماك
 عايزين يبيعوا محله فى الدلابه عداك

ان كنت قصيدك تاخذنى عالم دوام وياك
 الصبح خد لى محل الراجل اللى مات

وتخط لى فيه ولو جملين خضار ، اتغن
 لتبلى فيهم واطلع منهم القرشين

وانفع مقدم ما اخلى لك عليه دين
 هذا راضى جسدك احبولك به كمبيالات

ماجا الصباح ، الا كانت مسعده التشه
على المحل الجديد بتنش بمنشه
قدامها كان لواد عايق بتاع كرشه
بينه وبينها علايق من ثلاث سننوات

كملت حظوظ الصبيه والواد الصبوه
فى ساعة الضهر عنده ، يعملوا الغدوه
وفى العشا عندهما تتحضر العشوه
ويقلوا الباب عليهم لما ينووا بيات

فات صاحب العزه ليله يضرب الطالع
شاف المحل اتقفل والنور وراء والسع
بمن التقي الحرمة قالعته والولد قانع
مبه على الباب بالقوة خمس مبدات

فتحت قوام قال لها : هاتي الحساب هاتي
اذا اللي حزنك وبديتك على مراتي

وأخترتها خنتى ورافقتى الكراشساتى
أدى جزاء كل من يستأمن اللبسات

وخش في الحال لخصمه بالقلم وعطاه
 راخر نهض له بمزمه ، باليونانية رماه

فمقت بصوتها المرة جاما الشاويش ومعا
شيخ الغفر ، والغفر ، جروا الجميع بشمات
* * *

البيعه عشان رتبته العاليه اكل كام كف
والواد فى بوكس الفتوات اتحذف لك حذف

وَمُسَعِدَهُ نَبَاتٍ وَصَبِيحٍ بِرُوحٍ عَالِيَةٍ
اَدَى الْعَجْرَ / ~~وَالْحَسْبُ~~ وَاهْوَاتِ

الأسطى على منصور

يغت لنا تذكره الأسطى على منصور
ذو ملك هائل وراجيل فى البلد مشهور

داعينا فى ختمه فى البيت الجميد وطهور
عقال ما تقطع وتربط فى هنسيا وسرور

وصلنا نلقى فانوس والى وباب مفتوح
وتحت باب العتب محدود سقاله ولوح

تلق من تحتها ريحه تشق الروح
قال لسه عند المهندس شغل فى المجرور

خطوا الجماعة واحداً واحداً وناظرت
ياحد باب السلامك بالقوام خطيت

لوما مسكت السلامك كنت أنا طبيت
لكن لقيت عالندرايزين الرخام بربور

وعالسلامك كمان صباره في برميل
وكف مريم ولبلابه وفل جميل

وشخص راجل خروق واقف عريض وظويل
يحمي الجنينه وقله تحت منها ماجور

وفوقه عالباب تشوف في الوش فوق الرأس
حجاب وحدوة حصان كانت في رجليه مداس

وخمسله وخميمه قال تمنع عيون الناس
والباب مالوش اكره واللوح القزاز مكسور

مشينا متسحين زى الحراميه
والاسطى ساعة دى كان فى دورة الهيه

سلمنا ساعة دخولنا عالموالديه
سبق ورد التحيه عربجى الحنطور

* * *

دخل لنا البيه وقفنا للسلام بالايه
سلم على الاولانى والسلام بمزيد

يسأل على مصطفى عمه وخاله سعيد
واحنا واقفين على دورنا اما ييجى طابور

* * *

قال بس والله انا زعلان ومتأسف
على البتاع الللى فاتة العرص متكشف

قال تتركه قد جمع له لجل يقتشف
بكرم ينسبد ويخش الرصاص والنور

* * *

والليله دى ياجماعة لم كانت غالبال

ده بس هو اللى جانى فى منامى وقال :

يا ابو حسين : يا قليل الاصل ، يابطال

قوم شد حيلك ووفى اللى عليك منحور

* * *

قعد حكي لنا بعون داعى ثلاث حكايات

طوال ومن بعد ما قحم لنا اعتذارات

وطلع الساعة واتكرع ثلاث مرات

قال اقلع الجزمه واستفتح يا شيخ عصفور

* * *

وبعد ما كل شيخ منهم قرا ربعين

قال ربعن التخت : امال المظاهر فين ؟

جايوه مخى ، وله زمرة بين الحاجبين

وملبساه ام نينته اطلعدى طرطور

* * *

قام قال أبوه ذا الولد ظالع ولد عكروت
وكل أولادى من قالت سببته بتموت

قمنا وهبنا المعرض ده لسنيدى يا قوت
ياما والله انكتب له تحيطات وبخور

ولما قال حسن ان « المسألة » الليلة
عمل النبا عالميا سمار وهليله

سنته تساييه ، وأمه تاخده بالحيه
ما انيسد واتلم الا اما اشتريت له وابور

والختمه دي اتكلفت داهيه ونص الليل
والطبل والزمر والزبيكه والكبيل

ولا الكباشن الطلى عاغومنا بسمر الخيل
تاه حنوفله بمسناقر جنينه بالزور

واحد علمناه عشا والتانى فرقناه
واللى فضل نبعته بكره لأهل الله ..

وهم باللعبه ~~أمانه~~ : ورخصا وراه
لقينا . حولى دائق له فى الجنينه خابور

* * *

خرجت عالباب ، قالوا لى : انت خارج ليه
مش تيجى قبله تسيلم ويننا عالقينه

قلت السلام ده أمانه سلوا لى عليه
واذا سالكم عليه ، قولوا خليه يغور

* * *

* * *

الحاج جابر

الحاج جابر على عيسى اللى كان خطاب
فى الحرب ورد لجيش الاحتلال أخشاب

فى ظرف شهرين صبح يملك ثلاث أعتاب
وفرز واصطبل جنبه سبجان الوهاب

* * *

للحاج جابر دا حرمه ، اسمها مبارك
بنت من واحده تانيه من سنين داركه

وكل عقده لها عند السكريم فكه
البنت فى جمعها جولها اربعه خطاب

* * *

واحد جـدع سنكرى افرنجى ، وله تكان
والثانى أسطى ، كوافنجى ، وله صبيان
والثالث ابن اسماعيل راشد من الأعيان
والرابع الساعى اللى جاب له نوبه واحده جواب

* * *

الحاج جابر ملا مخه من ابن البيه
ودار يلف البلد يسال صحابه عليه
قام قال له عقله حاتتحير ياواد على ايه
الفتاحه فى شرع مالك تبقي كتب كتاب

* * *

قروما عند العريس ، أحسن من الخيله
وخلوا كتب الكتاب فى ليلة الدخله
ويومها يجى الشوار بالزمز والطيله
وياما للحاج جابر فى البلد اصحاب

* * *

بيت العروسة فى غمره والعريس فى بولاق

مسافه ون قصرت تطول على العشاو

وأما يوم الفرح كان يوم شىكل وخناق

طلع لرب البريه وانظر الأسباب

أم العريس أصلها هانم وتركيه

وبنوه فقير انما عتده البهاويه

الحاج جابر عمل لك شقله شاذليه

جانب الموبليات بوريه له فنيارين ودولاب

وشيل الصينى لاولاد حنته الاجيالاف

والنكارو فوقها المخده جنب منها لحاف

ناقض عليها المقتيل تصبح تمام اسعاف

وامه جنب التحامن قاعه ذاله بالقبقاب

وصل لبیت العریس. موكب علیه العین
يلقوا علی راس حارتهم أمة السائلین

جایباهم أم العروسة من بین الصورین
حالفین علی الست ما یخس الشوارم الباب



أم العروسة تقول یا کلب یا عیكروت
اكتب کتاب بنتی من غیر شتوری بعد ماموت

أدینی دلوقت جیتک بس قرب فوت
لأعمل لأقل الکلاب عنک مقام وحساب



قالت مرأة اسماعیل راشد یاربی امان
ناس فلاھین ! غش بطاله کمان دوشمان ؟

خرسیس ادب سیس یرم لعنت اطوز بوقمان
عروشوق قنایوق خها ایکی طوز اوغلی کلاب



قالت نبيهه يا حرمه بترطنى على مين
بتحسبينا بهاييم ولا مش فاهمين

كل البنات فى البلاد عند اهلهم قاعدين
جسره عليه أنا اللي بخت بنتى خباب

مجم لك الحاج جابر بالعصايه وهات
على نافوخ المره واهبد ثلاث هبدات

قال بعض اهل العريش يا خلق ! يا قفوات!
مفيش مسلم يخلصهم ينوبه ثواب

طلع لهم واد فتوه ، لىكن بن حلال
جايب معاه كام جدع من عصبتة وعيال

واتلمت العريجييه كلهم فى الحال
ودخلوا العفش بالقسوه مع الاغراب

جاءوا المروسة وزاحت أمها الكركون
وشيعوا بعضهم يبحث عن المانزون

اللي أخذ في النهار منهم ريال عربون
وجاره ييقول عليه راجل فقى نصاب

جاءوا لكتب الكتاب الشيخ عمر ديموش
وتأمله لسه فيها شغل حلق حوش

قالوا الموالم حاييجوا من ٨ ماجوش
والساعة دقت ١١ والمواليدى غاب

الحاج جابر بعث مبروكه للعالمه
تشوفها فين والمعازيم ملومين له

دارت تدعبس على مسكنها فى الضلمه
لقتها ساكنه فى عطفه جنب درب ط ٠٠٠

قطرما عذره ، دخل في مصر ، بايعهم

فضيل وراما كده بالخطوه تابعها

شافه بوليس مري ماشي بحسبه مهنيا

قبض عليهم بوليس الحبيب والآداب

شوف ليلة الحاج جابر كلها احزان

الغم من كل ناحيه ولطفت السوان

لأنه حطاب ، ركاره يشبه الفران

يكسب ويزبح ، ولكن تختتم بهباب

الولادة

خليك معانا هنا يا حضرة الكامل
وانعم برأيك على راجل فقير عامل
ينسد رزقه وتصبح حرمة حامل
وله سنه ونص ياكل لقمته بالحدين

* * *

قالت لى يوم جاريتك ، دى ضهرى غباني
ومن نهار الفسنيخ الدم لم جاني
حسبت حساب شهرها الرابع على الثانى
وجاها كرسى الولاده قبلها بشهرين

* * *

بقت دايتهما عدوك كل يوم فى الشوش
فى الصبح فى الظهر فى المغرب علينا تخش
ما يوم تفوت الغدا حتى ولو كان مش
ويوم مافيش أكل خالص ترقع الرغيفين

* * *

خشت لها يوم وقالت حضروا الكرسي
بس اما اولد مراة عبد المجيد مرسى
غلبانه سبحانه من يعلمها فين ترسى
دستور وعيلها نازل منها بالرجلين

* * *

يادوب دى راحت وكنا وقتها فى الليل
والطلق جا للمرة أربع نوبات بالحيل
ولما سالت سلايين الولادة سليل

بعت جبت امها جابت معاها اتنين

* * *

فيهم خالتها اللي قالت ليه يابنت الناس
تخلي دايتك تفوتك ونتي فيكي الراس

حطت لها تحتها مسند وطشت نحاس
واستنظروا سقتنا الداية فوق الساعتين

* * *

التانيه قالت مادام دايتك كدا حاتغيب
دايتي ام عبد الغنى حاضره وبيتها قريب

وايدها تقطع عالجرح العليل بيطيب
ومولداني ف زكيه والولد عوضين

* * *

راحت وجبات قبل وش الصبح ، وياها
خالتي ام عبد الغنى - عاجزه وساحباها

خشت تقول الهنا ، دي الموالده عارفاها
هاتوا اما احسس على العيل أشوفه فين

* * *

حطوا لهما ايدهما على يطن المره بتقيس
قالت ياناس لسه بدرى كل دا تحاسين

حماقوم قوامك أولد سلفه ام أنيس
عبال ما جيلك يكون انطش لك قرنين

* * *

يادوبك السدايه حطت رجليها بره
والواد نزل حدف لا سحبه ولا جر

قعدوا التلاته وهم بيقطعوا السره
وكانت الساعه ٩ جسوك السدايتيز

* * *

قالت لى أم المره انزل ومات لى قوام
رتم وتنفييل وايد مريم وسنبيل خام

وعكنه ومفات ومطب عفصلى وخزام
ومخشبان هندي أزرق كل شيء رطلين

* * *

وقفت اخمن على كشف الحساب مختار
ياهل ترا الخمستين أدفعها للعطار

ولا أسيب دى الهجن وأدفعها للجزار
ونا الفلوس اللى عندى كلهم ربالين

* * *

قلت لها دا النخشبان بطال على الصحه
والعفصلى والبابونج يورثو الكحه

والشبه والميعه رخره يورثو البحه
قالت لى لكن دا شئ موصوف ثنح العين

* * *

ردت وقالت عجوزه قاعده جارتها
ما كلف الله نفسها الا قدرتها

حايبيب لها العكنه والمحب وأخرتها
يدفع كمان يختى للدايه البشاره منين

* * *

قلت لها دفع الفلوس من غير عمل دا صعب
قالت يا ابني صحيح لكن عظتها الكعب

ومهما كان اسمهم برضك دايات مش لعب
ويلزمك ترضي خاطرهم سوا الاتنين

* * *

قالت حماتي دا واد خايب ونا عارفاه
ما ينسى عمره الحشيش والبيت قوام ينسأه

وحياة مقام النبي ما أخلى بنقى معاه
بس اما ترتاح هنا وتكمل السبوعين

* * *

البنيت عندك ولا فى العيد تلبسها
ولا اذا جابت العيل تنفسها

كمان وفوق كل دا فى البيت بتحبسها
جاك نيله فى امك دى كانت وقعتك بالبين

* * *

وطلعت بالمعجل من رجليها خضال
اتباع وفيه رطل فضه جاب ٨ ريال

جابت جميع ما ذكر وفراخ شمورت تقال
وتين وسبسم وسمنه شيء ملا غلقين

* * *

مراتي بتحبنى من حسن أخلاقى
وعارفه عذرى وأشغالى وأرزاقى

تاكل على قدامها واشمط أنا الباقى
بعد اربعين يوم بقيت زايد على حصانين

* * *

قالت حماتى خلاص يا بنت ربعنى
ياللا على البيت ، وطلق يا جدع بنتى

قلت لها من غير مؤاخذه بس قومى انتى
ولده تانىته خديها هى والولدين

* * *

دكان مرسى

نحرت على الطاهرة ام مرسى الدايه
ان ربنيا خلاه وزاده هـدايه

لتحط له رسـمال ويفتح تاجر
يبقى ان كسب مهر العروسه ، كفايه

* * *

كان مرسى فى الكتاب بيقرا فى لوحه
وغير برابيه وممه ونوحه

يحطها جنب الفقى على روحه
طرده الفقى ما كان حفـض ولا آيه

* * *

سمع السميع منها ومرسى اترشد
طناع جدع يطوى المينة ويفرد

جدع صلاة الزين عليه متفرد
يسد باب حارة ويملا عبايه

* * *

فتحت له قال دكان فى بن وسكر
يعجن ويخبز فى التجاره ويخمر

مادام لا يستعطى الحشيش ولا يسكر
يفلح ويبنى لها الخرابه سرايه

* * *

قعد سى مرسى والكوفيه تزينه
عليه طاقيه كاسيه نص جبينه

وتلت سبجه كهومان فى يمينه
والوزد عالمكتب وفى الكبايه

* * *

وعاليمين لوح فيه وما أنزلنا
وعالشمال لوح فيه وما أرسلنا
واليافظه فيها مرسى نصر البنيا
ومن جهة ما يحيط ظهره مراياه
* * *

والأمهات ونت عليهم ترسى
الصبح نينته لما يخرج مرسى
ترقيه ثلاث مرات بأية الكرسي
ويفوت سبع خطوات على الدفائه
* * *

وتقول يا قادر يا كريم يهديه لى
انت اللى آخر قطعتى مديه لى
بقدرتك من ريحة ابوه خليه لى
لحد ما ياخذ بايده عزايه
* * *

جوه اليهود من كل صدغ وكالح
مللى فى تصريف البضائع فالح
اليوم تعاملهم وتصبح شالح
ما يكسبوا المسلم ولا قشايه

* * *

مضوه على بيعه ورق نمساوى
وبيعه تانيه ، شمع كله بلاوى
وكونتراتو زيت وابور كفراوى
والكمبياله اتحررت فى غايه

* * *

صاحبنا ياخذ من عميله ما يكتب
ويعطى للشارى البضاعه ما يحسب
يجرد كذا بالعين والعين تكذب
تشوفها طياره ، تقول حدايه

* * *

قالت له أمه يامرسى قالوا لى
جماعة من درب المقشبات جولى
أنك عارف لك واحد فى المديولى
دافع لها اتناشر جنييه فى ملايه
* * *

ان كنت قصدك فى الجواز يا حبيبى
من بكرة أعمل للفرح ترتبى
والشرط ما ادفع مهرها من جيبى
انت اللى تدفع مهرها يا ضنايه
* * *

قال مرسى انا ملبسوخ فى شغلى وانتى
من بعد وعدك بالجواز صهينتى
أما اللى قال لك عالملايه يانينتى
كذاب وقصده تقصديها معايا
* * *

خطبت له بنت سد حمد السرجاني
واتوضبت ليلة الفرح سلطاني

جمعت ما بين المصري والطياني
واتفرقت فيها تحف وهدايا

* * *

بعد الفرح خلوا المعيشة ذواتي
أحسن فواكه والجلاته يومياتي

والكوشة تليقه والفراخ دى ليلاتي
وماما ينعم ربنا بعطاي

* * *

الكبيالات استحق ميعادها
من قبل ما يروح م العزومه رمادها

جاله صاحبها يسترجي سدادها
سد الدراهم ، ما هو سد قنايه

* * *

أبو المراسى ، قال له مالك خايف
ونت اللي جببتنا فى فرحنا وشايف

مع المدامه بتاعتك الهايلايه
قاعدين كدا بين الفانوس والرايه

* * *

اتكلفت ليلة الفرح دى دواهى
فوق عن ميتين أهيف ، كدا والله

أما البضاعه فاضله عندى كما هى
مش عايزه تتعتع ولو بعصايه

* * *

والحسبه فارغه ما تأسيس على مالك
وقت الفرح من عيني أذفعتها لك

أرجوك ومن فضلك تطول بالك
ولجلى انبا تقبل يا مسيو رجايه

* * *

قام قال صاحبنا للجعد باماره
الشغل دا مش شغل ناس فى تجاره

ده شغل يا أستاذ غيال فى الحارة
ادفع قوام ولا فيش لزوم لقضايا
* * *

قال مرسى حيث انك كدا بتترافع
واللطف وياك والأدب مش نافع

روح امشى والله العظيم ما نأ دافع
مليم من المبلغ سوى برضايه
* * *

المسيو برطع والشتيمة سمعها
عالكونتوار بالكمبياله قطعها

جباله المحطبل فى الصباح يدفعها
والمرغ فى عرف البنسوكه جنايه
* * *

مرسى الملى طالع فى التجاره يالوصته
بين التجاره والتجار ، وياحوسته

ساعة ما يدخل محضر البورتستو
فى البيت ويحجز حتى عاقلاليه

جو المحضرين عالبيت وأمه الشاييه
عارفه الحصييه من زمان والناييه

كانت مرآة مرسى العروسة غاييه
فى النحاسين بتصلح الدلايه

قالت يا مرسى تنضرب فى لسانك
وتنفذح قدار ما بين اخوانك

ضيعت يا منيلى قبوام دكانك
ويا ما فاضل لسنه غلب ورايا

شوفی لنا بنت حلال

جسّد معلم قال لخالّتك ام هلال
شوفی لنا بنت حلال تكون لطيفة وعال

* * *

بنات كثير حلّوين عند اهلهم قاعدین
ما بین طیبخ وعجین وبختهم بطال

* * *

عایزها لحم فصوص مش عود قطب ممصوص
ومحربقه بعصوص وعامله روحها غزال

* * *

عایز قنّوام یتھز ان دزیتیه یندز
وف کل مفصل حز یفکرك بهلال

* * *

عایز تّلايه صحیح من ربّح شمعہ تسیح
مهوش بشکل قبیح لکن بفوق ودلال

* * *

عندك بنات جمالات مقلوظين نكسايات

ودمهم شربسات يسكر نكسا ورجال

* * *

تحققى فى الزين البنت ترخى العين

دى مهرها ألفين أظهم فى الحال

* * *

أما اللى عامله سبور وجدها بلفور

وعايزه واد دكتور خساره فيها ريال

* * *

ولا اللى عامله اله وشعرها قصاه

وباوكسجين صابغاه دى تجلب الاسهال

* * *

ون جبتي واحده بكرش من الحمير ما تغيرش

مانيش واخذها بقرش واحط فوقها شوال

* * *

ابن نظله

لعب أمين بن نظله نوبه طب الميس
مع ابراهيم بن طول قسم الخليفة خميس

بين الولد والولد خشن اللعين ابليس
بعد الوداد والتصافى ، دوروا التبكيس

* * *

ليلتها بات بن نظله فى القفص مربوط
بالكف واكل وشاكر بالجزم مخبوط

وقدموه للمعانون ان ده مظبوط
لأنه فى ٩ مارس كسر الفوانيس

* * *

فى الحاره بيه م الصعيد اسمه الخفاجى نصر
باع فى الصعيد كل ملكه واستقام فى مصر

ساكن فى بيت بين بيوت قسّم الخليفة قصر
فيه يجتمع كل يوم العبط والملاحيس

* * *

خشت له نظله اللى فى الاحباب معدوده
تبكى وتشكى لاهل النصر والجوده

كان بالتصادف مرآة الصول موجوده
بتزور مرآة الخفاجى والجميع مهاوين

* * *

قالت لها نظله ابنك غص ابنى امين
وطرشه الحردى وولاد الجيران شاهدين

وتحبسوه قال كمان ؟ دانتم صحيح ظالمين
ايش جاب لجاب دا ابنكم يختى بسلامته عريسين

* * *

وهو لعب العيال فيه حد ياخذه بجد ؟

ولا اليتيم ينتهم اكن مالوش حد

لا : دا المفرعن كمان ياطعدي ينصد

وكل واحد رئيس فوق منه برضه رئيس

* * *

ردت عليها مرات الصول بتقاله

قالت لها المسألة دى شغل رجاله

أما أنا مش بسكلم واحده غسالة

وقوله ابنك ومش ابنك دا شغل بوليس

* * *

نظله اما شافت كده نزلت نواح وععيد

صحى الخفاجى اللى كان نايم فى أوده بععيد

راحت مرأة الخفاجى للحكاية تعيد

قال دلو كيتبه اعملوا الجهوه بلاش تهليس

* * *

وقال لخدامه : روح جـول الخفـاجى بيه
عايجول لكم انتو حابسين بن نظله ليه

وجول لهم ميته يطلع هو عامل ايه
وجول له ياصول خميس خليك لطيف وكويس

* * *

راح بالرساله الولد لكن سعادة الصول
قال للولد أما جهال الصعايده دول

روح قول له لو كنت حاسم قول من دى القول
حايقوم جناى وأنزل فى الجميع تحببس

* * *

فى الجلسة طست أمين المحكمة شهرين
وياما أحكام كده تتعد بالالفين

جروا اليتيم فى الحديد والناس بقت حزبين
ناس ولقنه تضحك وناس عالمحكمه تأليس

* * *

أما الخفاجي فكان في العام عليه منحور
للصول هديه شوال غله كبير محشور

قطع علاقته وخلاها مع المأمور
أما الهدية فخلاها عشر تلاليس

* * *

حامد عاشور

حامد عاشور المزين بالقرون والكاس
فى كل ليلة أحدى تكثر عليه الناس

يصبح يجيب للوليه رطل لحمه رأس
وفوقها وقه بطاطس أو راسين قلقاس

* * *

والجمعه ديه لقي لك غلته زياده
فرح وجاب العشا أكثر من العاده

وأخذ له حته وفوقها فنجانين ساده
وروح البيت من المغرب بشوق وحماس

* * *

بعد العشا ما انتهى حامد بقى طينه
قال ياللا قومي افرشى الفرشه وغطينا

قالت له قوم قبله نلعب واحده كوتشينه
ونقول نوانر جحا الرومى وابو النواس

* * *

حامد يشوف لك تلاته باربعه ياكل
الست تغلط وتاخذ بالمره راجل

اتلخبط اللعب لا باقى ولا حاصل
قالت له اوعك كده ، باين عليك فلاس

* * *

قامت تدعيس بين الأركان فى الصنوق
الله أعلم بقتملك وعايظه خروق

قام لك صاحبنا ، قالت مالك كدا محزوق
اصبر يا شيخ لما اطلع لى قميص ولباس

* * *

خلاها تفرش وقام فى الفرش واتمطع
وسستقا لسه بتفصل وبتقطع

فى دى الخروق اللى مهرى واللى متبطع
عبال مانقت سى حامد نام وراح دواس

* * *

قالت له مالك كدا ممدود ومتصلب
نومك وأكلك وعيشتك كلها تغلب

فى الفرش زى القتييل دستور ما تتقلب
كأن شغلك يا عينى بالغلق والفس

* * *

اتمددت رخره جنبه تفتح الموضوع
وحكمت كنفها بالعند فوق الكع

واتكت ، اتالم الراجل وقام مفزوع
قالت له سك باب الحاره بالترباس

* * *

صحبنا صنم كده ، لا كانى ولا مانى
لأن منزوله كان من صنف عميانى

بربش عينه حبه واتقنل ونام تاتى
يحلم بطشت الصابون والعدده والامواس

* * *

قالت أنا يختى ما اقدرشى على الميله
ونا النهارده بقول لك قوم وشيل شيله

ان نمنا والباب كدا نتقشش الليله
والباب وراه حلة القلقاس وطشت نحاس

* * *

ليلة ما تنوى السهر فى الفجر تدخل لى
ويوم ماتيجى العشا فى البيت ترخم لى

ون قلت لك بس قوم تربس تفجر لى
وتفتح الششمه وتفرج علينا الناس

* * *

وبعد ما كنت ماشى فى البلد معسول
شربت لى الخمرة واتعلمت لى المنزول

ياتخش سكران مدهول يالتقيك مصطول
قريضه تدخل تشيل الراجل الهلاس

* * *

حامد عاشور فى السرير نايم تقولش شوال
لكن صريخ المره خلاه نهض فى الحال

صنم لغاية دى ما ستوفت كلامها وقال
أعوذ بالله كلامك يجرح الاحساس

* * *

قام لك مقعر بيورها أنه قال فإيق
وعدى من فوقها رجله ، قال بيتعاقب

عتر فى رأس قلبها والقلب مش رايق
قالت داهم ايه دا يختى قال أنا الهراس

* * *

بقى انتى ياويليه طول عمرك تلاوعينى
ان قلت لك جا ميعاد النوم تمارغينى

ون نمت تيجنى فى عز النوم تصحينى
صدق صحيح اللى قال جنس النساء أنجاش
* * *

قولى لى على ارتأى لك فيه يتعيب
صحيح دى أمثال زمان تصدق ولا تخيب
قالوا المره لما تبقى أصلها طيب
من نفسها تعبر الراجل ولو كنساس
* * *

قالت له انت اللى متجبر وظالمنى
ولك كلام لما تطلع يآلمنى
وتروح تهيص على كيفك وحاكمنى
ونا اللى ايدى ورجلى ، حقها تنباس ..

بزيادة

* * *

أم خليل

في حارة القدره دلالة اسمها أم خليل
خمسين سنة عمرها لكن من الناعيل
وراهما قنطار شغت شايله وهم ثقيل
بالاختصار لما تمشى تفكرك بالفيل

* * *

والبرقع اللي على الخشم العريض محطوط
بالصنعه والفن فوق كرسى الخدود ممطوط
ما يظهر الا عيون متكحلة وخطوط
ويخفى داهية خنك واسع وصدغ طويل

* * *

ألست دى يومى بتفوت م الصنادقية
وتحب واد خردجى جنب التاخلية
تنظر لها م الدكاكين الصنایعیه
یتجننوا الكل لما تنقصع وتمیل

* * *

واحد يقول للى جنبه ، بص يا سيدنا
يرد دوكهات يقول ياريت تسعدنا
ونزور مقامهم وتسعدهم وتسعدنا
أدى الحريم التمام أدى اللى منه قليل

* * *

أيش قولكم الناس دى ربت للمره وسواس
وخمنت نفسها ست النساء والناس
تفوت عليهم وتسمع دى المديح تحتاس
وتحزق الخصر وتقرب على الزنبيل

* * *

ان كح واحد تقول قصده يشاغلنى
ون تف راخر تقول عايز يقابلنى

ون بض راجل تقول مالك حاتكلنى
أما اللى يضحك دا يبقى فى هواها قتيل

* * *

يوم رايحه للخردجى بالقيمه والحشمه
وهيه بين المفارق ماشيه فى الزحمه

أتاها شيال لا ذوق عنده ولا رحمه
غرف له غرفه من الحله وقال يا رحيل

* * *

حست بدى البهله بصت وراها قوام
ما تلقى فى السكه غير واحد أفندى تمام

نزلت على خلقتة أربع خمس أقلام
اتلمت الخلق خماره على مصاطيل

* * *

قال الافندى بخله : ايه جرى ياست
والله ايدى ماسجت يمك ولا حسست

قالت ، ونا ، ما اتعميت لسه ، ولا هلوست
يلعن أبوك دون قبيح طور بن كلب رذيل

قال واد هناك عربجى ، فى السجن تقييده
يعنى الافندى القبيح ايه اللى حايفيده

أنا اللى شايفه تمام لما تنى ايده
وقال عمل حجتة بيطلع الخديل

قى الجدع ، اللى متعلم ، وابن خوات
فى وسط كبشة غجر ، أولاد بلد قفوات

ولا وقف من سككات كان كلها لما مات
لحد ما راح بعيد عن دى الخناقة ميل

ون كنت تعرف يا سيد خصلة النسوان
وعالخصوص المره الوحشه ام خلقه دهاز

تعمل ولو بالفضحيه فى البلد اعلان
عن نفسها ، والغرض تتهم فى شاب جميل
* * *

لجل اللى عايزاه يغير حالا ويخطبها
ويقول خلاص ياولد دى الناس بقرغبها
ون حد غازلها تعطى له بشبشبهها
ومن هنا تلتقى حاجه اسمها التغفيل
* * *

راحت على الخردجى قالت انا جاياك
آخر مجيه ، عشان أعرف خلاصى معاك
انت بايعنى ، وكارهنى أما انا شارياك
والشئ دا يلزم له وخصوص الجواز تشهيل
* * *

روق لى فى المسأله بالعقل واتأمل
أحسن أنا غير كده ما قدر بقى اتحمل

فضيحتى ما بين جيرانى واللى حايكمل
بهـدلتى دلوقت بين الهبل والمخابيل

* * *

ايش قولكم ان الكانون دخن عليه ياولاد
والحرمة قامت وراحت واخده منه ميعاد

من بعد أسبوع يكون كتب الكتاب عالواد
الهى يلف بعبد له ليله الهلاهيل

* * *

اسكندرانية

يا مسلمين لما اسكندر حكم على الدنيا ودبر
شاف المداين واتخير اسكندريه وسماها

* * *

يوناني ويحب الفاره ورخره زيه ام مناره
جبار وعاشق جباره طلع هواه وفق هواها

* * *

اسكندر اللى بجنوده الشرق والغرب ف ايده
والانس والجن عبيده باسكندريه يتبهاى

* * *

وافقت عظمته وجبروته لايفوتها لحظة ولا تفوته
الامبراطور فى تابوته نايما هنا تحت ثراها

* * *

اما احنا ياسكندرانيه طلعين جميعا شضليه
طبيعة فى الطين واليه متركبة تحت سماها

* * *

الاسكندراني اذا صافح يغلت ساعات ويروح ناطح
وارثها عن جده الفاتح فحل الملوك اللي حماها

* * *

الاسكندراني اذا اتحلق جلنق لکن له مبدأ
يغواه لحد ما يتزحلق في نايبه عمره ما يفساها

* * *

الاسكندراني اذا اتحمس يفتقد صوابه ويتطلمس
لحد ما يروح متكربس في نقره ابليس يخشاها

* * *

لكن يقوم يغسل وشه ويروح يجيب اللي غشه
في خلقتة ويروح ناتشه راسين يعيش مسخه بعاهه

* * *

ونا اللي جيت من سياله فيها العيال والرجاله
شجعان ولكن بهباله يا نقتصر يا اكلناها

زوجة السجان

توفى فى الحى غانم مصطفى السجان
لا له بنات كان مخلفهم ولا صبيان

فايت لهانم مراته ١٦ فدان
وكل ده من رشاوى الأكل والدخان

* * *

وأما هانم فكانت ملحمه متخن
تنحط فى شهر طوبه عالرخام يسخن

وقت القضا لما شافت جوزها بيدخن
عطت خبر لامها جاتها فى وش أدان

* * *

خلوه يخلص بروحه عالفراش وفاتوه
ولموا كل النحاس ويا المصاغ ربطوه

وهب شيله على بيت امها بعته
فى قولة هيل بيل كل شئ اتعان

* * *

واتدوروا والتقوا الراجل فطس وخلص
لا احتاج لغمضه ولا فاتحه ولا اخلاص

وروحه دى اللى ما كانت الا فى بلاص
طلعت تبرطع ما بين مالك وبين رضوان

* * *

هانم دى قالت لامها حطيه على القبيله
قالت لها لسه مش دلوقت يا هبيله

خليه بنومته وقومى صوتى قبله
ونحطه عالقيله لما تحضر الجيران

* * *

صرخت وقالت ياسبعى ياللى قانينى ىى
ياللى بنارك يا خويه رحت كاوينى ىى!

بعدك ياغانم ياسبعى مين يهنينى ىى
صوات يافندم ولكن زلزل الحيطان

جات القراب وجات كل المعزيين
تسعين مره مشلشله واكثر من الـ ٩٠

وفى الزقاق رجالتهم عالحك قاعدين
واتحضر النعش والبيت اندرز نسوان

وانشال سى غانم مرابعه بعد نحب كفاه
ولطم كان يستحقه فى حياته قفاه

قدامه جدعان حارتهم والصبايا وراء
فيهم مراته عليها الوحل والقطران

انحط لك غانم السجان فى حفرة وراح
نزل مؤبد فى زنزانه بغير مفتاح
وروح ست هانم قبل ما ترتاح
خشت عليها اخته (كاملة) تاجرة العصبان

* * *

قالت بقى يا ستى هانم : انتى عارفانه
وعارفه ان ام غانم نايمه عيانه
وله كمان أخت تانيه عاجزه غلبانه
والتركه فى نمتك ، والدنيا مالها أمان

* * *

قالت لها ياختى أحلف لك على ختمه
بأن اخوكى ما كان حيلته غير الهدمه
ولسه حاعمل كمان من عندى أنا الختمه
واطلع له بالرحمه واعمل له أنا الخمسان

* * *

وان كنت بكذب يا كامله ربي يسخطني
دا حتى يحتى أخوكي كان مقشطنى

ون كان على العزبه صبرك على فى بطنى
حسب ما يظهر لنا تنقسم الأطيان

* * *

بصت عداكى المره فى بيت سلفتها
تلقى النحاس اختفى والصيغه شالته

قامت تودى الخبر لاهله وفاتها
معاها أربع مشايخ يهتموا القرآن

* * *

فى الأربعة دول فقى عاجز نظر وخبيث
قاعد مقرص وفاتح جبتيه الابليس

لأنه عارف بقى المنزل مافيهش أنيس
غير المره والمشايخ كلهم عميان

* * *

كحت وقالت لسيونا صاحب العمله
تعرفش تقرا لى عحيه ياسين كامله

الليله حالا وتقلبها على كامله
بنت ام غانم وعيشه بنت خضره كمان

قال الفقى كل شئ حاضر وانا خدام
لكن مافيش وقت ياللا استعجلى لنا قوام

واعطى المشايخ حسابهم يذهبوا بسلام
ونا أبات لك الليل دى سهران

راحوا المشايخ وبات سيدنا بقيت الليل
يعد فى هانم من راسها لحد الدليل

عبال ماجا الصبح كان انهذ منه الحيل
ونام على الأرض واتمدد فشر حيوان

مآلت له دلوقت حالا ، أهله حايجوني
وأهل حارتي كمان جايين يعزوني

قوم ياللا عالحوش لا يتلموا يضايقوني
لا عايظه ميتم ولا عايظه هنا عزيان

* * *

وقامت الست حالا حضرت صندوق
مليان بكل اللوازم من شلت وخروق

وقبل ما تقوم من النوم الجيران وتفوق
جرت صاحبنا الفقى ، واستفتخوا الصبان

* * *

خشوا على الحوش وكان سحنا الفقى دايخ
رمى العصي من يمينه واترمى سايح

جاها الحانوتى التقى باب البتاع خايخ
زقه ، انفتح ، دنه داخل عالمه فرحان

* * *

قالت يالهوى حسبتك والله حد غريب
قال اطمأنى ! دنا من أكبر المحاسيب

ود اللى نايم عدو ؟ ولا معانا حبيب ؟
قالت دا راجل فقى عاجز نظر غلبان

* * *

وفات كمان أربعين غانم وخمسين يوم
نهار وليل خلتى هانم فى القرافه نوم

وبعدما رocht جولها قرايبه : القوم
قالت لهم لنا أولد ، لسه فى رمضان

* * *

الفقر

البيت أبو درفتين فى حارة البغال
وتحتة دكان جدع أسمر خفيف بقال

فيه فوق مره ملحمة جوزها من العمال
فى شغله جمعه ، وجمعه يترمى بطال

* * *

أما المره بنت عيله أصلها من بيت
اتهد وانشال أساسه زى ما اتهجيت

عاشت معاه بالوفى زى العسل والزيت
سبع سنين بدرت فيهم بست عيال

* * *

الوقتین الدقیق یاكلوها بالتحقیق
أما الغموس غمسوه (بالدمعه) والتحقیق

ويعلم المولى والبقال بالتحقیق
غير الزنون ما اشترت من عنده دى الأطفال

* * *

بعثت له يوم الولد لما انضى حالها
والباتشاويش اللى بيلم الغفر جالها

قال له الولد ، مختش ، وف ايده خلخالها
بتقولك أمى النبی سلفنا نص ريال

* * *

شاف الجدع وسع خلخالها اللى زانتها
مصدى من جوه من مطرح عرق ساقها

فكر ونال دى مره سبحان خالقتها
خلقتها محمل وجوزها صنعتها شيال!

* * *

روح ياولد قسول لها رهن المصاغ ده عيب
وخذ اهو ريال بوشه ، والريال فى الجيب

وقول لها فضى فكرك م الوفا والغيب
شوفى انت نفسك وروحك والبسى الخلخال

قالت لجوزها الحكاية راح له مكانه
الصبح يشكر له معروفه واحسانه

صبح قوام الجدع من عز اخوانه
ياخذ ويعطى حسب ما تسمع الاحوال

ان سيح السمن نوبه يشحت الحله
ون عاز يبيل الزقون يشحت كمان قله

ويشحت المثنظ راخر يوم ما يتقلنى
ويوم ما يكنس محله يشحت الغربال

قلبت محبه داخلها الغش واليغشيش
وصار كلام الحبايب كله بتوشوش

والراجل المتكسر كان يحسبه درويش
لما قالت له الجدة والنبي ابن حلال

* * *

يسأل عليك كل ليلة قبل ما يقفل
وكل شيء يبعته لي : ملح أو فلفل

دخل عليه الفتيل ياعم واتغفل
كانت خيطان المحبه اتبدلت بحبال

* * *

أختين شقائق

أختين شقائق أصلهم من طنطا
فى بطن واحد مولودين وف خطه

لجسمهم فى المشى شيله وحطه
تجنن المسلم مع النصرانى

* * *

فى اسكندريه اللى اسمها صبريه
أخذت معاون حبز فى البلديه

أما عزيزه الثانيه فى الحسينيه
فى مصر واخذها جدع حلواهى

* * *

فى الصيف تشوف صبريه ساحبه عزيزه
حايسين ما بين الشاطبي والمهروزه

وفى الشتا بين الحسين والجيزة
وكل شيء غير الحظوظ دى فانى

* * *

عزيزه فى الصيف اللى فات اشتاقت
لام الخلول لما الحلاوه انداقت

وقبل ما شالت عزالها وساقت
قالت لجوزها اختى السنه عازمانى

* * *

عند ابراهيم بك اللى يعدم عينه
بينهم مسجل كنفراتو وبينه

يجوا له فى البيت اللى فى بوالينو
المستحضر للزنا والزانى

* * *

يلم أنطاع البسلد ويقاول
على السخوات وباسمهم يتطاول

يقول : أجيب واخلى أجر مناول
بنت الفنا ٠٠٠٠ وميراد الغر ٠٠٠٠

* * *

فى يوم مطين كانت زباينه قليله
قاولوه مكفى عالجنيسه بالتيله

اتنين : واحد تاجر ، وتاجر نيله
والثانى فى مينا البصل قبانى

* * *

جابر الزبيب والوسكى واليوسفدى
وعلبه الكيف والمزاج الهندى

وجوز صوانى واحده فيها الدندى
والثانيه فيها الكستليه الضانى

* * *

بعد الغدا والسكر واللى اتحكك

عم ابراهيم عايز بقى يتمحك

راح كلم الاتنين وهو بيضحك

قال الجنيه مدفوع لىكانى ومانى

وانا اللى حاطلح من بناتكم صايح

راسمال ما عندى والتعب دا ضايح

لو كنت شارى فى القيللى وبايح

أقله كان عندى رغيغ عشانى

قال اللى من مينى البصل فتحاسب

الغدوه أجره والجنيه دا مكاسب

قال صاحبه (للبيه) الطلب ده مناسب

لكن « نشوفك » لما نرجع تانى

خرجو الزبائن والرقيب ماراهم
وبعد ساعه ، والصبايا وراهم

فى زنقه وقفوا يحسبوا فى كراهم
الهافى اللى يشبهه الجبانى

* * *

قالت عزيزة كام يابنت عطاكى
الراجل النيله اللى كان ويساكى

قالت ريال اللى عطاه لى معاكى
بيده ابراهيم ولا انضرب فى لسانى

* * *

ونا ابراهيم عارفاه رزيل وحرامى
وشفته بيخى الجنيله قدانى

راخر حايعمل زى نصر الشامى
اللى نحرنى فى الفلوس وكوانى

* * *

ركبوا محرم بك على الأنفـوشى
والفكة شىء غير الريال مالاقوشى

قبل الغيار والنقل فى الطرطوشى
الكمرى قال الريال برانى

* * *

طخوا النمـايس عالقـدم مشوارها
للبيت فى حر الترسـخانه ونارها

لقوا المعاون متجـمص ونهارها
حاجز على أربع حـلـل وصوانى

* * *

حاجز على تـكان فطاطرى مقـدر
عليه عوايد قد مـنـزل واكـتر

والجلس ان جـاع والاقسطه اتاخر
ما يعـرف الطـبـاخ من الزلبانى

* * *

قال للمرء مالك كذا زعلانه

قالت له أختي من يومين عيانه

جوزها ضاربها النذل بالخرزانه

علقه اما خلا لحمها بدنجانى

شافها الحكيم قال الدراع متعق

مطرح ما يتحرك فى حقه ببوجع

لكن اذا تعالجت قوامك يرجع

ان كات تجيئنى كل يوم والتانى

قالت عزيزه ينضرب فى حشاته

كل اللى ما يعمل مقام لمراته

لو كنت أعرف سسكة الأفوكاتو

ما كنت خليت المويل دا قناني

قال المعاون اختك اما تجيكي
فى مصر تبقى كل شىء تورىكى

بس اما تصحى وربنا يشفيكى
يطها اللى يطها ربانى

فاتت صيفيه خلصوها علاوله
المكسب فيها بالمسلم والنكله

قالت عزيزه مصر بيه اولى
واللى حصل م اسكندريه كفانى

من تبقى لا مانع لها ولا مانعه
وتكون براجلها الوحيد ما هى قانعه

وتعوز تفتش فى البلد على صنعه
تقوم تشغل وسطها التحتانى

مدارسنا ٠٠ ومدارسهم

فى أرضنا للأجانب ، ألف اسكوله
يخرجوا بالآلوف ، من غول على غوله
عارضين لجلب الكاسب ستميت حيله
ويجمعوا من جيوبنا المال بالكيله
وحنا وزارة معارفنا أم هليله
أم الحيطان والببان والحطه والشيله
تاخذ ولادنا ، وبفلوسنا ، وبالتيله
يناموا فيها ، ومنها ، يطلعوا نيله
أشطر ما فيهم ما يكسبشى عشا ليله
واجدع ما فيهم يقول يا ست! يا وسيله
شوفى لنا حته وظيفه تستر الحيله

* * *

ستاتنا !!

عشان ما يبقى مقامنا قبل كل مقام
ستاتنا تمضغ لبانه فى الطريق العام
ويحركوا شففتين متلغمطين بادام
والكحل ده كل عين متكحله بجرام
واللبس نايلون فى نايلون من شرابلحزام
الجمب فوضى ، بيعدم فى النفوس اعدام
والست وياه تترقع ترقعته بنظام
فى الموسكى والصاغة تتمخطر كدا وياسلام
لما الخواجه باسيلي يقول لها يامدام

* * *

دوسيهاٲ الدواوين !

فى دى الدوسيهاٲ امثالك واشغالى
بقى لها خمسين سنة فى وضعها الحالى
فبها معاش أرمله قالت يا ابو عيالى
وعرض حال شاب بائس م العمل خالى
ومشكلة وقف فاتها خورشيد الوالى
حاططها صاحبك وبيقول لك ونا مالى
دا حبنى بيه المخير العام باعتها لى
ولسه عايزالها امضة مستشار عالى
ولا حاتنزل على الارشيف طوالى
ادى النظام الملى خسارب كل بيت مالى
ومركب الفقر امثالك وامثالى

* * *

عبد الكريم الخطابي

داخل علينا ضيف صاحب مقام عالى
أعظم رجال السيف فى عصرنا الحالى
عارفينه يبقى مين ؟ با ناس يا ناسيين
قولوا صلاح الجين واحد ودا التانى

* * *

ملك جبال الريف م السفح للقمة
من غير نصير وحليف يضرب دول عظمى
فرنسا والأسبان بعدة الميدان
وهو بالايمان واحلف بايمانى

* * *

تبعته له أسبانيا يرمى جحافها
فرقه ورا التانيه والكل واكلها
ألفونس ويا السون استنجدوا بالكون
وقالت السكسون الناييه جايانى

* * *

أربع سنين يا ناس	والدنيا تتزلزل
روتر وجنبه هافاس	في كل يوم ينقل
باتت جـرايدها	تملا عواميدها
عن رأى قـوادها	في نصر رباني

* * *

قالت فرنسا تفود	عن بنت عمتها
ببطئها المهود	في عز قوتها
وقف البطل ياعين	حائر ما بين جيشين
جيش جاي له من السين	والتاني أسباني

* * *

انحط في منفساه	عشرين سنه ياقوم
والى قاساه قاساه	وفات علينا اليوم
يشكى علل وجراح	المصرى قال بسماح
انزل هنا وارتاح	وعيش سعيد هاني

* * *

شغل الحكومة ! ٠٠

عيله بناتها تمانيه وأربعه صبيان
ميت أبوهم ، وأرشدهم جدع غلبان
باع نص بيت ملك واتوكل على الرحمن
يفتح له دكان بقاله زى بعضشيان
دفع ايجار السنه وخلو رجل كمان
جينا بقى للمساعى من ديوان لديوان
قال فهمى افندى: الرفوف تبعد عن الجدران
وحسنى افندى يقول: الحيطه ناقصه دهان
وبكرى افندى حكم بالغلق عالدكان
وقال حسين بيه حسين: الفتحة فى الامكان
عبال ما فانتت سنه فى المنح والحرمان
ضاع رأس ماله ، وباع الصنجه والميزان

من كلمة هايفة ..

من عنوه أو كلمه هايفه ننحمق ونقوم
نسب ونحب ، ويجور العراك بالشوم
وكل محموق وله فرقه تقوم بهجوم
من قبل ما تعرف الظالم من المظلوم
تبقى الشراره حريقه والسحابه حجوم
لاشركة تنجح ، ولا عيله صفاها يحوم
ومنين نشوف العدل ولا السفينه تعوم
مادمننا فوق قلبها قاععين لبعض خصوم
تضحك علينا الحدادی فی السما والجوم

* * *

بعثات

يا فندى ياللى أبوك باعتك	تتعلم طب
وفانيت العلم وداير	تعشق وتحب
سبع سنين فانت ونت	تغطس ما تقب
خليت أبوك من مصروفك	يكفر ويسب
سيبك بقى من دى الغربه	وارجع بيع لب
ون سفت فى مصر بطاله	اقعد بطال
دى مصر عايزه رجاله	متى عايزه عيال

* * *

وحضرتك ياللى بتفرس	فى أوربا حقوق
بتعط من قهوه لقهوه	سكران ماتفوق
ان كان قانونك يسكت لك	أنا أقول محروق
ده اللى جابك من زهره	ماخذ الا خازوق

رجعت له بفرق وقصه	وشنب محلو
وتنجص له فى المصاله	تقرا الجورنال
دى مصر عايزه رجاله	مش عايزه عيال

* * *

وحضرتك يالى بتدرس	فن الدوبيا
وتحت باطك لرفايقك	دفتر كوبيا
تاكل فراخ وأبوك قاعد	ياكل لوبيا
وتشرب البيره وهو	يشرب سوبيا
حتى السيجاره ما تشربها	الا زنوبيا
واخرتها تخدم فى وكاله	بتمانیه ريال
دى مصر عايزه رجاله	مش عايزه عيال

* * *

أما اسمه ايه اللى فالقنى	وعامل لى عظيم
قال فى الزراعه بيتعلم	علم التطعيم
يقول لى طعم التين يشبه	طعم البرسيم
والفلح لما يتربى	بتربى بهيم

يطلع يبرطع فى الغربه	من غير تعليم
والساقيه ما دام شغاله	الطور شغال
دى مصر عايزه رجاله	مش عايزه عيال

* * *

فلوس بتورد ، م الكايرو	تحاول عالبلك
كتير ومن عاف يمكن	ميت ألف فرنك
مع الولد ببيعترها	بين هنك ورنك
يحط للمشروب عشرة	والجرسون سنك
ويعيش هنا زايط هايص	وقرايبه فى ضنك
تنزل اذا شفت الحاله	يا خسارة المال
دى مصر عايزه رجاله	مش عايزه عيال

* * *

مصر حقه من أوروبا

ياللى رايجين (مجلس الأمن) اسمعونى

فضكم م الفقه والبحث القانونى

كلمتين حلوين قولوهم وافهمونى

يمكن الحكام يرقوا ويفهمونا

فهموهم باللطافه والمحبه

ان مصر الحلوه حقه من أوروبا

من زمان تزحف وتحبى حبه حبه

لما فاقت عن فيننا وبرشلونه

الدياناه ، قبل منكم الغيناها

والشريعاه ، عن نابليون مشيناها

والمصاحف فى المتاحف حطيناها

منها ذكرى ومنها فرجه ومنها زينه

وانتهى عهد (البراقع) والملايه
والنساء للركبتين ماشين عرايا

أُمى واختى وزوجتى أهم ريحين معايا
عالمبلاج ، والدنيا تتفرج علينا

زيكم فى كل شئ يا اهل الحضاره
زيكم بايتين على البوكر سهارى

والحانات من كل نوع فى كل حاره
عيب عليكم بعد ده تستعمرونا

اتركونا ننتفع من خير بلادنا
مش بلادكم ، واسمحوا نسبك حديدنا

مش حديدكم ، والسماذ عايزين سماذنا
مش سماذكم ياللى ناويين تدبحونا

هليوود ؟

هليوود خربت عقل الناس أشكال واجناس
لا ذوق بقالهم ولا احساس ولا دين ولا طين
* * *

كل المعابد خربانه أى ديانه
وانتى صلاتك عمرانه يومى بملايين
* * *

التخين بقى حب وأشواق وغزل وعناق
واهو انتهى بزواج وطلاق من غير مآئين
* * *

مستخدمه جن سليمان طلعه بألوان
سجد لزخرفها الشيطان شيخ الشياطين
* * *

جريتاً جربو بقت يا بنات ولا يستات
فوق القياصره والبيوات وفوق السلاطين

* * *

اول ماتظهر تسريحه وحركه قبيحه
تمشى بها الست سمичه فى دراع سى أمين

* * *

وبنت مدبولى الجزار بمايوه عالبار
عشان تقلد هيدى لامار تشرب طزازين

* * *

هليود ، ونا هنا فى بلادى بالسینما دى
خربت بيتى ، وأولادى طلع صایعین

* * *

ومنين أجيب من غير لازمه ثلاثين جزمه
فى الشهر لراتى وحزمه من دى الفساتين

* * *

ريا وسكينة

ياولاد حكاية فى البلد ما تتنسيش طول الأبد
شابت لها راس الولد واختل عقل اللي كبر

* * *

يا خلق سامع صوت أنين وشئ يقول يا مسلمين
ولما مالقاشى المعين سكت ولا بان له خبر

* * *

يا من سمع صوت القدوم فى بيت على شارع عموم
وحس بيقول ياللا قوم افحت يا عبد العال حفر

* * *

وجسم مين اللي انحفن ونزلوه من غير كفن
من بعد ما انداس وانطحن فى الليل ونادى يا غفر

* * *

يا بنت دى أمك بكت لما لقوكى فى الجتت
مقطعه حتت حتت ومتقلينك بالحجر

* * *

لا بد أبكى على راح من الصبايا والملاح
المحدودين تحت السلاح عشان رقابهم تنجزر

* * *

* * *

لا بد أبكى على غاب وله سنين تحت القراب
ممتد فى بيوت القحاب لجل المقدر والقدر

* * *

ريا وجوزها فى الظلام نايمين على الروس والعظام
كأنه من ريش النعام ولا الحرير المعتبر

* * *

اللبوه أم نياب حديد بتسامر الضبع العنيد
وحش الجلنفات الوحيد وابن بياعة الجزر

* * *

بيسكروا فوق اللحد فوق مرتبه محشيه دود
تقرف تنام فوقها القرد من دهنها اللي ينصر

* * *

طايخين فاصوليا وسلكمه ويغرفوا في الجممه
عندا غي احسن محكمه ولو فيها القاضى عمر

* * *

الشيء دا داير من زمان والخلق تشهد والجيران
وريا وسكينه في امان ما عندناش عنهم خبر

* * *

طالع من الشباك ساروخ مزريحة الشيخ والفاسوخ
والعفنة تضرب في النافوخ أدى اللي خلا الشيء ظهر

* * *

انزل يا حاكم بالصرم واكسر لنا كل البرم
بزيادة دا اللحم انفرم فوق الطوايل وانتظر

* * *

البنت قبله تنصطل وبعد منها تنقتل
والحبل حالا ينفطل والجوزه ضوغرى تنكسر

* * *

هاتو المشانق والنعوش وريحونا م الوحوش
وانت يابو البنت حوش بنتك فى بيتك يا بقر

* * *

جرسونييراتكم

جرسونييراتكم وعواماتكم

منيماكم طول النهار

والنهب داير في منتجاتكم

من السماسره ومن التجار

وديع نعيمه - ومشيل طعيمه

- وبابور خريمه - وعذاب اليم

* * *

وليه شريف بيه يقوم لى بدرى

لصنع الصلب والحريز

ويسعى ليه عالفلوس ويجرى

ويشغل العامل الفقير

ما هي الماعيه - م الابعديه

- يوماتى جايه - والخير عميم

* * *

عماننا صارت من المصائب
يتمنوا للعالم النوايب

ياحرب تآلته تفرج عليهم
يأدوده حلوه تشغل أديهم

واذا الصنايعي طبع حانوتي
يطلب من الله موتك وموتي

ويستجيب دعوته الكريم

* * *

يا أهل المغنى

ياهل المغنى دماغنا وجعنا دقيقه سكوت لله
دا حنا شبعنا كلام ماله معنى ياليل وياعين ويا آه

* * *

طلعت موضه غصون وبلابل شابط فيها حزين
شاكى وباكى وقال مش عارف يشكى ويبكى لمن
والى جابت له الداء والكافيه ، طرشه ماهش سامعاه
ياهل المغنى دماغنا وجعنا دقيقه سكوت لله

* * *

ردى عليه يا طيور بينادى ، وارمى له الجناحين
وانت كمان يا بابور الوادى ، قل له رايح على فين
قل له اياك يرتاح يا بابوره ، ويريحنا معاه
ياهل المغنى دماغنا وجعنا دقيقه سكوت لله

* * *

كل جدع فرحان بشبابه يقول في غنيه دموع
ياللى جلبتى شقاء وعذابه ، حلى لنا الموضوع
طالع نازل يلقي عوازل واقفه بتستفاه
ياهل المغنى دماغنا وجعنا دقيقه سكوت لله

حافضين عشره اتناشر كلمه ، نقل من الجورنال
شوق وحنين وأمل وأمانى وصدد وتيه ودلال
واللى اتعاد ينزاد ياخوانا وليل ونهار هواء
ياهل المغنى دماغنا وجعنا دقيقه سكوت لله

الدواوين

الأربعة الراشدين حسب الشرف والدين
كانوا يحاسبوا الولاء ، ويفتشوا الدواوين
على انصرف راح لمين واللى انتقبض من مين
والراعى مسؤول عن الظالمين والعادلين
وعينه تسهر على الصالحين والنايمين
أحسن يباتوا الرعايا كلهم ضايعين
حاتروح تلاقى ساداتى كلهم حالقين
أحسن وأجمل سموكن عندهم لابسين
شالين دوسيهاات ورق رايعين بها جاينين
من الحير للوكيل ، من عهد اسماعيل
جواب بكلمة وغطاها يكتبوه خمسين
وجواب يردوا على صاحبه فى ست سنين

ياما مكافأة شهيد ، فريته الساكين
تقبضها من بعد ما تخلف بنات وبنين
وف كل أرشيف وزاره ترقد التعابين
ما بين قناطر ورق متكلفه ملايين
كانت مشاريع عن التمويل والتعدين
جاءوا لها ألفين خبير من لندره وبرلين
اسأل ديوان الحاسبه أو بهى الدين
يخبرك باليقين والحق كله يقين
« أحسن عمل يعملوه ونت سيد العارفين
فى يوم ثلاثين يباتوا كلهم قابضين ،

حاتجن ۰۰ !

حاتجن یاریت یاخوانا مارحتش لندن ولا باریز
دی بلاد تمدين ونضافه وذوق ولطافه وحاجه تغیظ

مالاقیش جدع متعافی ، وحافی ، وماشی یقشر خص
ولاشط مشمرخ افندی معاه عود خلفه ونازل مص
ولا لب اسمر وسودانی وحمص وانزل یاتقرقیز
حاتجن یاریت یاخوانا مارحتش لندن ولا باریز

ولا عرکه فی نص اللیل دایره بالحیل وساحبها بولیس
قدامها جدع متجرجر وشه معور قال دا عریس
الخلق ما هی بتتجوز واشمعنی احنا مفیش تمییز
حاتجن یاریت یاخوانا مارحتش لندن ولا باریز

ولا واحد فی وش الفجر تبرطع مالیه الدنیا صوات
قال ایه جوز خالتي ام احمد سلفة اخوها السيد مات
سبحانك ما اعظم شانك واللہ الموت دا مفید ولنخذ
حاتجن یاریت یاخوانا مارحتش لندن ولا باریز

ولا واحد طالع يجرى وواحد تانى بيجرى وراه
ويقول ها مع حصلتك يا بن اللى ابصر ايه عامله
لا الشارع غيط ياخوانا ولا احنا بداره ولا احنا معيز
حاتجن ياريت ياخوانا مارحتش لندن ولا باريز

* * *

ولا واحد بيبيع حاجة يقول بريال وتاخذها بصاغ
ياخوانا دى حتى الابره تاخذها بدوشه وقلب دماغ
حلفان وعراك ومناهدة ويمكن ضرب كفوف يا حفيظ
حاتجن ياريت ياخوانا مارحتش لندن ولا باريز

* * *

ولا فيش ميت ألف طبعي بتوع يا نصيب هاجمين ولا فيش
ميت ألف معوض داعس جاى معاه صندوق ورنيش
والله كرهت القهوة وحرمت اقعد عالا فاريز
حاتجن ياريت ياخوانا مارحتش لندن ولا باريز

* * *

ياهل السودان يا عرب

ياهل السودان يا عرب ! يا مسلمين الله !
بيننا وبينكم نسب ، كل الأمم عرفاه
لانتهم نسيته ، ولا احنا للأبد نفساه
والنهر بيننا وبينكم ، ربنا أجراه
واللى شرب دمكم ، ومن دمنا رويناه
واللى ركب ظهركم ، فوق ظهرنا هواه
واللى وعدكم وعدنا ، بالنعيم والجاء
واحنا ونتم عرايا ، محتاجين لغطاه
لو كنا نفسى قرابتنا ، ونجرى وراه
حايغفرط شملنا ، ونقول يانحماء

فى الطريق ! ٠٠

أربع عساكر جبابره يفتحوا برلين ٠٠٠
ساحبين بتاعة حلاوة جايه من شربين
شايه على كتفها عيل عنيه وارمين
والصاج على مخها يرقص شمال ويمين
ايه الحكاية يابيه ؟ جال ٠٠٠ خالفت الجوانين ؟
اشمعنى مليون حرامى فى البلد سارحين !
يمزعوا فى الجيوب ويفتحو الحكاكين
أسأل وزير الشؤون والا أكلهم مين !

* * *

الصعايدة

حلال عليكم يا صعايدة تكسبوا الملايين
بعزّمكم نلتوا الفايده والجميع نايمين
فلوس على المصرى عايدة مش على الثانيين
خضار ، سمك ، كله مزايده واشتغل يا زيدان

* * *

من غير كتابه ولا قرايه تملكوا العمارات
وانا والخوات الملى مصايا قال بتوع شهادات
معقدانا فى تسكايا نشحت العلاوات
فى كل كام عام ، وكفايه نفختك ياديوان

* * *

شلة كوامل وصوامعه شغلّبوا الاوضاع
كسب الوزير سنوى فى جمعه يكسبه البياع
اشطرى لنا انتى يا جامع واخلى الصياغ
يترصصوا رؤيا وسمعه يلعبوا كونكان

* * *

المجلس البلدى

قد أوقع القلب فى الأشجان والكمد
هوى حبيب يسمى المجلس البلدى
ماشرد النوم عن جفنى القريح سوى
طيف الخيال خيال المجلس البلدى
إذا المرغيف أتى فالنصف اكله
والنصف أتركه للمجلس البلدى
وان جلست فجيبى لست أتركه
خوف اللصوص وخوف المجلس البلدى
وما كسوت عيالى فى الشتاء ولا
فى الصيف الا كسوت المجلس البلدى

كأن أُمى بل الله تربتها
أوصت فقالت أخوك المجلس البلدى

أخشى الزواج فان يوم الزواج أتى
يبغى عروسى صديقى المجلس البلدى

وربما وهب الرحمن لى ولدا
فى بطنها يدعيه المجلس البلدى

يا بائع الفجل بالمليم واحدة
كم للعيال وكم للمجلس البلدى

الضرائب

يسـرنى ويهـنـينى	أدفع ضرائب على عيـنى
أدفع ألوفى وملايينى	لكن تعالوا حاسبونى
أكون سعيد وأكون شافع	لو تقتصر على شىء نافع
مثلا مصانع ومدافع	ولا على القصر العيـنى
واقطع لكم لحم كتافى	وابيع هدومى ولحافى
ولا انشوفش جايـع ولا حافى	يغمنى ويبيـكىنى
وبادعى أيام وليـالى	أشوف كده السد العالى
وأقول دا مبنى من مالى	وكـد اىـدى وجبـينى
وياسلام لما تجيلنا ٠٠٠	النفاثات مع أساطيلنا
يومها صحيح نبقى وصلنا	واقول يا عالم هنونى
وابات مضمـم متكرـر ٠٠	لما الضريبه تتبحتر
مهيه للأستاذ بعـر ٠٠	وعبده شخرم بـسيونى

اللى ابنه بعته فى أوربا	ومن فلوسى بيتربى
قريب يعود زى الضربه	وبقول مع والدى خدونى
جئه على المكتب قاعده	أو غى القهاوى متواعده
ماهيش سياسه ولا عداله	الأمه نصها شغاله
ونصها الثانى عاله	يتبط ويقول رقونى

* * *

فتوات المظاهرات

جدعان بلدنا الفداويه	فى مصر نكبه وطنيه
والسيده والحسينيه	فى طولون وباب الشعريه
فيها حياتهم ومماتهم	الفتونه دى شغلتهم
واخنا ياسكانها رعيه	حارتنا اسمها « حقتهم »
له شوشه هايجه عالقوره	شكل الفتوه حنكوره
وشريك فى شلة شضليه	يسرح بأفيون وداتوره
كان يوم ما يسمع بمظاهره	وأما نايبتنا الكبرى
وتبقى غاره تقريه	يزوح لها ومعاه عشره
وادييه بتكبش وتعبط	ويقول ليحيى وليسقط
فى كل مخزن حراميه	والهيصه مدين فيها حيزيط
التعويضات اللى علينا ٠٠	والصبح تدفعى ياخزينه
فوق حقها ميه اليه	لبنزايون وفرج ومينا
غير اهل وطنى وبلادى	وايه أقول فى الطايفادى
رخرين شوفوا لهم مديريه	يا شافعى والا يا بغدادى

السياسى

عمل صحافى ما فلحش	عمل محامى مانجش
وف مصر كام تكسب ياكتاب	طبع ككتاب ما اتوزعش
وشله من أهل الحاره	والحزب يافطه واداره
ويا فطه حمرة عا الأبواب	وييجى يوم تبقي وزارة
يانبقى فى الشركات أعضاء	ويا الحكومه يا معارضه
وبأى شئ يرضى النصاب	بأيها حالة نرضى

* * *

الى جون بول رأس الغول

أجون بول فضلى لاتجحد

وعن منهج الحق لا تعدل

نسيت معاونة العلمين

وكنت حقيقا بأن تخذل

فأحرزت نصرا عنه عجزت

وكنت جبانا تتنذل

فلولانا كنت كمثمل خراف

تساق حثيثا الى المجزر

وأين الثريا وأين الثرى ؟

وأين جون بول من هتلى ؟

تشرشل

يا باكي ع النيل وتحريره بدمع العين
عن مين ورثته وخايف تتركه عن مين ؟
عن جدك المحترم أو مين من الوالدين ؟
أو عبد كان عندكم شاريينه بفلوسكم
مكتوب عليه الشقا والجوع ليوم الدين
يا محلا كانت ملافظك أيام العلمين
ياما الطفك كنت يومها من دالين ومدين
يا غدايب في المحن وف قوتك تنين
أما صحيح ان اللي بيختشوا ماتوا
وكل أهل التلامه والبرود عايشين
هتتر وموسليني مين جنبك يا ذو القرنين
هتتر وموسليني مين جنبك ياوش البين
هتتر وموسليني مين ، نارهم ولاجنانك
يا ألف رحمة تبشيش قبرهم لاتنين
يالزقه معجونه بالأميون وسايابانا
بين الشعوب والأمم نايمين على صاحيين

* * *

جريح الحرب

بكيت عليك يا جريح الحرب واتقطع
من البكا قلبى ياريت البكا ينفع
مين ده عطاك الذخيره بمب بيفرقع
ورجعت وحدك وواكل نصك الخفم
البننت قالت بفرده كـريمه ما اخدوشى
وصاحب الشغل قال له ما تضايقنيشى
والحولة ساهيه وانا سارح فى تحشيشى
وانت على كل باب تسمع كلام يوجع
ويوم ما يعطوك حقوقك يعملوك شحات
الخيرين يجمعوا من بعضهم اعانات
الباشا من بنكه يصرف لك خمس شلنات
وهانم الباشا قالت والنبى ما ادفع

شفت الجريح فى بلاد الروم يتقدم
على الأوصياء ولو طال على سلم
وكل أطفاله تتربى وتتعلم
وهو تصرف عليه الدولة والمصنع
ياقائد الجيش ياللى جرئت من الميدان
صدرك عليه من رصاص الحرب ألف نشان
رايح يجرى ايه لما تعطى للجريح فدان
من أرضنا اللى أغنى م اليهود بزمان
جزاة جيوشنا ما قادها المريشال جهلان
القائد اللى جيوشه تروح ما ترجع

القاهرة الحديثة للطباعة
٣ ش. الج. ب. الفيحة - القاهرة
ت : ٩٣٤٣١٠

الفن

الفن يا هزل الطبيعة روح تخاطب روح

بلغاها

والفن يا هزل المحبة عين تكلم عين

نبياها

والفن يا هزل القلوب ، صوت من سكوت الموت

أحياءها

يا طالب الفن ، افتح لك كتيب في الفن

تقراها

يا مطول الشعر ، مثل شمل بدلولتين

وسبيلهم

شوق النجوم في السما متوجه على فنين

واقسامهم

وشوق بكاء العين ، وضحك الفم ، في الاثنين

واتكلمهم

ورد الحدود فن - فيه الفن يتغير

طول القدر ودفن - فيه العين تحية

وكل شيء في الحياه بالفن متغير


يا طالب الفن

المركز العربي للنشر والتوزيع

عادل وماهر معروف

٢٠٠٦ ب. ٣١٠ - الإسكندرية

Bibliotheca Alexandrina



0207462

مكتبة الإسكندرية
ALEXANDRIA